

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0055272 23
Zenica, 28.05.2024. godine**

**OPĆINSKI SUD U ZENICI
sudija za prethodno saslušanje
ZENICA**

Na osnovu člana 45. stav 1. i 2. tačka h), člana 241. stav 1., člana 242. i člana 350. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

- 1. O. H., . osuđivan jednom 2020. godine zbog krivičnog djela iz člana 316. stav 1. KZ FBiH uslovnom osudom,**
- 2. O. T., ., neosuđivan,**

Što su,

Dana 23.09.2023. godine, oko 19,50 sati, u Zenici u ulici Kamberovića čikma na parking prostoru tržnog centra „Zenica city centar“, dok se K. A. nalazio u PMV marke „Audi“, registarskih oznaka ... parkiranom ispred ulaza u šoping centar gdje je čekao svoje roditelje, O. H. i O.T. se zaustavili s PMV marke „VW Touareg“ registarskih oznaka ..., kojim je upravljao O. H.odmah pored vozila u kojem se nalazio K. A., te potom prišli njegovom vozilu, počeli rukama lupati po vozilu zbog čega se K. A. zaključao, nakon čega su nastavili rukama i šakama lupati po vozilu i grubo potezati šteku od vozačevih vrata na vozilu, svjesni da na taj način mogu oštetiti predmetno vozilo, što su i htjeli pričinivši tom prilikom oštećenja na ručici šteke vozačevih vrata i kvar na sistemu daljinskog zaključavanja vrata, te oštećenja na krovu auta i poklopcu motora u vidu strugotina, oštetivši vlasnika vozila K. S. za iznos od oko 2.500,00 KM, potom galamili, psovali i tražili od njega da izađe iz vozila, da bi se u jednom trenutku pojavili A. otac i majka, K. S.i K. M., dok su O. H.i O. T. nastavili sa galamom, vrijeđanjem, psovanjem, a potom u jednom trenutku jedan od njih odgurnuo K. M., sve vrijeme svjesni da navedenim naročito drskim ponašanjem i grubim vrijeđanjem na javnom mjestu ugrožavaju sigurnost prisutnih građana, što su i htjeli,

Dakle, naročito drskim ponašanjem i grubim vrijeđanjem drugog ugrozili građanski mir, te oštetili tuđu stvar,

Čime se počinili krivična djela nasilničko ponašanje iz člana 362. stav 1. KZ FBiH i oštećenje tuđe stvari iz člana 293. stav 1. KZ F BiH, sve u vezi sa članom 31. i 54. KZ F BiH.

Kako se radi o krivičnom djelu s propisanom kaznom zatvora od tri mjeseca do tri godine, odnosno novčanom kaznom ili kaznom zatvora do šest mjeseci, a za koja je Kantonalno tužilaštvo prikupilo dovoljno dokaza koji pružaju osnovu za tvrdnju da je osumnjičeni počinio krivično djelo, to na osnovu člana 350. ZKP F BiH, podnosim,

ZAHTJEV

za izdavanje kaznenog naloga

Predlažem da se Sud, na osnovu člana 352. ZKP F BiH, složi sa ovim zahtjevom, te nakon provedenog postupka, u skladu sa članom 353. stav 2. ZKP F BiH **donese presudu kojom će izdati kazneni nalog, te osumnjičenim O. H. i O. T. izreći uvjetnu osudu.**